

י" עשו לדרך שעירה: ויעקב
 נסע ספתה ויבן לו בית
 ולמקנהו עשה ספת על-כן
 קרא שם-המקום ספות:
 י"א ויבא יעקב שלם עיר ס
 שכם אשר בארץ כנען בבאו
 מפרן ארם ויחן את-פני העיר:
 י"ב ויקן את-חלקת השדה אשר
 נטה-שם אהלו מיד בני-חמור
 אבי שכם במאה קשיטה:
 י"ג ויצב-שם מזבח ויקרא-לו
 אל אלהי ישראל:
 י"ד ותצא דינה בת-לאה
 אשר ילדה ליעקב לראות
 י"ה בבנות הארץ: וירא אתה שכם
 בן-חמור החוי נשיא הארץ
 ויקח אתה וישכב אתה ויענה:
 י"ו ותדבק נפשו בדינה בת-יעקב
 ויאהב את-הנער וידבר על-לב
 י"ז הנער: ויאמר שכם אל-חמור
 אביו לאמר קח-לי את-הילדה
 י"ח הזאת לאשה: ויעקב שמע פי
 ט"ט טמא את-דינה בתו ובניו היו
 את-מקנהו בשדה והחרש
 י"י יעקב ער-באם: ויצא חמור
 אבי-שכם אל-יעקב לדבר
 י"יא אתו: ובני יעקב באו מן-
 השדה כשמעם ויתעצבו
 האנשים ויחר להם מאד כי-
 נבלה עשה בישראל לשכב

את-בת-יעקב וכן לא יעשה:
 י"ב וידבר חמור אתם לאמר שכם
 בני חשקה נפשו בבתכם תנו
 ט"ג נא אתה לו לאשה: והתחתנו
 אתנו בנתיכם תתנו-לנו ואת-
 י"ד בנתינו תקחו לכם: ואתנו
 תשבו והארץ תהיה לפניכם
 שבו וסחרוה והאחזו בה:
 י"ה ויאמר שכם אל-אביה ואל-
 אחיה אמצא-חן בעיניכם
 י"ו ואשר תאמרו אלי אתן: הרבו
 עלי מאד מהר ומתן ואתנה
 כאשר תאמרו אלי ותנו-לו
 י"ז את-הנער לאשה: ויענו בני-
 יעקב את-שכם ואת-חמור
 אביו במרמה וידברו אשר
 י"ח טמא את דינה אחתם: ויאמרו
 אליהם לא נוכל לעשות הדבר
 הזה לתת את-אחתנו לאיש
 אשר-לו ערלה כי-חרפה הוא
 ט"ט לנו: אך-בזאת נאות לכם אם
 תהיו כמנו להמיל לכם כל-
 ט"י זכר: ונתנו את-בנתינו לכם
 ואת-בנתיכם נקח-לנו וישבנו
 י"יא אתכם והיינו לעם אחד: ואם-
 לא תשמעו אלינו להמול
 ולקחנו את-בתנו והלכנו:
 י"יב וייטבו דבריהם בעיני חמור
 י"יג ובעיני שכם בן-חמור: ולא-
 אחר הנער לעשות הדבר כי

חפץ בבת-יעקב והוא נכבד
 כ מכל בית אביו: ויבא חמור
 ושכם בנו אל-שער עירם
 וידברו אל-אנשי עירם לאמר:
 כ"א האנשים האלה שלמים הם
 אתנו וישבו בארץ ויסחרו
 אתה והארץ הנה רחבת-ידיים
 לפניכם את-בנתם נקח-לנו
 לנשים ואת-בנתינו נתן להם:
 כ"ב אך-בזאת יאתו לנו האנשים
 לשבת אתנו להיות לעם אחד
 בהמול לנו כל-זכר כאשר הם
 כ"ג נמלים: מקנהם וקנינם וכל-
 בהמתם הלוא לנו הם אך
 נאותה להם וישבו אתנו:
 כ"ד וישמעו אל-חמור ואל-שכם
 בנו כל-יצאי שער עירו וימלו
 כל-זכר כל-יצאי שער עירו:
 כ"ה ויהי ביום השלישי בהיותם
 כאבים ויקחו שני-בני-יעקב
 שמעון ולוי אחי דינה איש
 חרבו ויבאו על-העיר בטח
 ט"ו ויהרגו כל-זכר: ואת-חמור
 ואת-שכם בנו הרגו לפי-חרב
 ויקחו את-דינה מבית שכם
 כ"ו ויצאו: בני יעקב באו על-
 החללים ויבזו העיר אשר
 כ"ז טמאו אחותם: את-צאנם
 ואת-בקרם ואת-חמריהם
 ואת אשר-בעיר ואת-אשר